

# A dota

*Chanson satyrique sur une demande en mariage.*

Mamma hè vechja è sola in casa  
Dunque mi trovu obligatu  
Piglia moglia s'èiu la vogliu  
Per un marchjà più strappatu  
Tutti mi danu cunsiglii  
S'èiu la trovu ch'èiu la piglii.

Quist'annu vogliu piglià moglia  
Ch'aghju una bella piantata  
Suminata hè à sette libre  
Spergu in Diu sia bona annata  
Mamma ùn po in casa è fora  
Ci vole ch'èiu ghjunghji un nora.

Noi simu dui fratelli  
A sparteci un gran'casale  
U primu chi si marita  
Piglierà induve ella li pare  
E parti l'hà fatte mamma  
Testimogni ùn si nè chjama.

Si ella hè quante à la mubiglia  
A mè nunda n'ùn mi manca  
Aghju la mio tavulinu  
A mio meria è a mio panca  
Una bella caffitera  
Quattru piatti è una suppera.

In qualità di vestume  
Propiù nunda nùn mi manca  
Aghju duie camisgiole  
Una hè brutta è l'altra hè bianca  
Hè vera scarpi ùn ne aghju  
Quist'annu li cumpreraghju.

Dinò ci vole ch'ciu mi compri  
Un pezzacciu di baretta  
Un paghju di pantaloni  
Un ghjileccu è una ghjacchetta  
E po'allora aghju ogni cosa  
Un mi manca chè la sposa.

Aghju un bellissimu lettu  
Di lu più fine castagnu  
Ci hè cuvertoghje è lenzole  
Di cuprimi nùn mi lagnu  
Aghju un bellu strapuntinu  
Un saccone è un cuscinu.

Qui finiscu o damicella  
Aludavvi u mio casale